



Tuhaqtauyukhaq

Nunavut katimapkainiaqtut Qanurilinganininginnut Arnat Ministainnik 2007-mi

IQALUIT, Nunavut (Fipyuali 06, 2007) – Kavamanga Nunavut katimapkarniaqtain kavamatuqatkunnit/aviktuqhimayuni/nunaptingilu Ministat Munariyaqaqtun Qanurilinganininginnut Arnat, Minista Leona Aglukkaq uqaqtuq uplumi.

“Aliahuktugut qarritiniaraptigu katimanikhaq Nunavunmut hivulliqpaamik, uqaqtigilluaqtauniarmallu Nunaqaqqaaqhimayut arnat ihumagiayannik,” uqaqtuq Aglukkaq, munariyaqaqtuq qanurilinganininginnik arnat Nunavunmi. “Ilauyut katimanirmi takuniaqtait inmingnik ayuqhautigiyauvaktut aallangayut arnanut quulliani 60-im.”

Aglukkaq ilauvaktuq 3-nguyunit aviktuqhimayunit Nunavunmillu Qanurilinganininginnut Arnat Ministaita katimaniani Toronto-mi Fipyuali 1, 2007-mi ihivriuqhiplutik aulanianik qanuq hannaiyainahuaqhutiglu hanayauvaktukhanik qanuriliurutikhanik uqaqtiginahuarlugit ihumagiayayut arnanit.

Ningarniq arnanik, arnat maniliurnimut niamngiyaarnii Nunaaqqaaqhimayut arnat ihumagiyaillu naunaiqtauhimaliqhutik hivulliuyukhat havaktauyaangani. Atuni aviktuqhimayuq nuna inmigut hivulliuyukhanik piqaqtut arnat aatjikkutautjutikhait aallanut inungnuit hivumuktiriyaaangani.

Hapkua hivlliuyukhat tun’ngaviuniaqtut hanayakhanut qanuriliurutikhanik tamarmik uqaqtigyaangani hapkua ihumagiayayut uvani kavamatuqatkunni/aviktuqhimayuni/ukiuqtaqtumilu ilviinni. Ministat angiqhimayut aviktuqhimayut nunan nunvullu, ilauplutik kavamatuqatkut, akhuurutigiyakhait hapkua uqaqtigyaayut. Ilaunahuaqhuni, Quebecmiut ikayurniaqtut uuminnga qanuriliurutikhamut tunihilitik ayunngitamingnik nakuutqianiglu hananirmik uqarlutik.

Ministat uqaqtullu ihumaalugiyamingnik aallannguqtirinianut Qanurilinganininginnut Arnat Kanatami. Ministat tamarmiirlutik uqaqtighimmaarniaqtaat una ihumagiayayuq Qanurilinganininginnut Arnat Kanatami Ministaanut, Nan’ngariyayuq Bev Oda-mut, hivunirmi kavamatuqatkut/aviktukhimayut/nunaptingilu katimaniani.

- 30 -

Kangiqtuarumagungni hivayatjavat:

Nancy Campbell

Aulapkaiyi Tuhaqtakhiliqinirmut

Munaqhiliqiyitkunni InuuHIRINGNIRMULLU

(867) 975-5714

新闻稿可用因纽特语、英语、伊努维亚克语和法语在 www.gov.nu.ca 获得。

News releases are available in Inuktitut, English, Inuinnaqtun and French on www.gov.nu.ca.

Tuhaqtaghat ittut Inuktitut, Qablunaatitut, Inuinnaqtun Uiviiititullu talvani www.gov.nu.ca.

Les communiqués de presse sont disponibles en inuktitut, en anglais, en inuinnaqtun et en français à : www.gov.nu.ca.